

Čuvgehuslávdegoddi**Áigi** 21.06.2022 dmu 11:00 - 12:36**Báiki** Teams-heivehus**Giedahallon áššit**

§	Bajilčála	Siidu
73	Lágalašvuohta ja mearridanváldi	4
74	Beavdegirjji dárkkisteaddjiid válljen	5
75	Bargoortnega dohkkeheapmi	6
76	Áššit diehtun	7
77	Ruhtadili birra oanehaččat	8
78	Ohcejohnjálmmi skuvlla skuvlavuojiheamit 2022-2023	9
79	Njuorggáma skuvlla skuvlavuojiheamit 2022-2023	10
80	Iežas eret cealkin árrabajásgeassima oahpaheaddji barggus	11
81	Njuorggáma skuvlla veahkkehoavdda bálkágáibádus	12
82	Asttuáiggečáli virgelohpeohcamuš	13
83	Sámegielaide gáiddusoahpahusa joatkkaprojeavtta lassemearruhta jahkái 2022	14

Oasseváldit

	Namma	Dmu	Bargu	Lassedieđut
Mielde	Hekkanen Eemeli	11:00 - 12:36	Várreságadoalli	
	Seurujärvi Pirjo	11:00 - 12:36	Lahttu	
	Aikio Elle	11:00 - 12:36	Lahttu	
	Aikio Esko	11:00 - 12:36	Lahttu	
	Koskenniemi Mika	11:23 - 12:36	Várrelahttu	
	Holma Lotta-Inkeri	11:00 - 12:36	Várrelahttu	
Eret	Halonen Leevi		Ságadoalli	
	Halonen Kai		Lahttu	
	Valle Liisa		Lahttu	
	Adamova Anastassia		Várrelahttu	
	Koistinen Miia		Várrelahttu	
	Guttorm Urho		Várrelahttu	
	Holmberg Aslak		Várrelahttu	
	Niittyvuopio Anni-Sofia		Várrelahttu	
	Pieski Taina		Gielddahoavda	
	Länsman Vesa		Gielddaráđđehusa	
	Kontio Oskari		ovddasteaddji	
			Nuoraidstivrra	
			ovddasteaddji	
Eará	Veskonieni Virpi	11:00 - 12:36	Rektor- čuvgehusdoaimma- hoavda, áššemeannudeaddji	
	Guttorm Väinö	11:00 - 12:36	Gielddaráđđehusa ságadoalli	
	Lukkari Maritta	11:00 - 12:36	Beavdegirjedoalli	
	Jääskö Neeta	11:00 - 12:36	Tulka	

Vuolláičállosat

ságadoalli
Eemeli Hekkanen

beavdegirjedoalli
Maritta Lukkari

Gieđahallon áššit

73 - 83

Beavdegirjji dárkkisteapmi

Elle Aikio

Pirjo Seurujärvi

Beavdegirji lea dollojuvvon albmosis

Beavdegirjji dárkkisteaddjit:

28.06.2022 00:00

Almmuhantávvala dikšu

Lágalašvuohta ja mearridanváldi

Čuvglg 21.06.2022 § 73

Čoahkkin gávnnahuvvo leat lágalaččat čoahkkái bovdejuvvon ja mearridanválddálaš.

Mearrádus:

Čoahkkin gávnnahuvvui leat lágalaččat čoahkkái bovdejuvvon ja mearridanválddálaš.

Beavdegirji dárkkisteaddjiid välljen

Čuvglg 21.06.2022 § 74

Válljet čoahkkimii guokte beavdegirjedárkkisteaddji.

Mearrádus:

Válljejuvvuiga Elle Aikio ja Pirjo Seurujärvi.

Čuvgehuslávdegoddi

§ 75

21.06.2022

Bargoortnega dohkkeheapmi

Čuvglg 21.06.2022 § 75

Evttohus:

Čuvgehuslávdegoddi dohkkeha áššiid gieđahallanortnega čoahkkima evttohuslisttá mielde.

Mearrádus:

Dohkkehuvvui evttohuslistá ja lasselistá.

Áššit diehtun

Čuvglg 21.06.2022 § 76

Virgedoallimearrádušat

Skuvlavázzinjođiheaddji bálkáheapmái ohccojuvvo
lassemearreruhta čakčat, go dárbu /oahpaheidilli lea čielgan

juoiggastit projeakta

Mearráduš:

Merkejuvvojit diehtun.

Ruhtadili birra oanehaččat

Čuvglg 21.06.2022 § 77

Gullat oanehaččat ruhtadili birra.

Mearrádus:

Merkejuvvo diehtun.

Ohcejohnjálmmi skuvlla skuvlavuojiheamit 2022-2023

39/02.07.01/2020

Čuvglg 21.06.2022 § 78

Ohcejohnjálmmi skuvlla skuvlavuojiheamit lohkanjahká 2022-2023 leat gilvalahttima vuolde Cloudias. Gilvalahttin nohká 17.6.2022. Skuvlavuojihangilvalahttimis dahkko rahpanbeavdegirji ja dan maŋná ášši sáhttit ovdanbuktit čuvgehuslávdegoddái. Dasgo evttohuslisttáid lávdegottiide galgá sáddet áiggil, ášši ii sáhte válmmaštallat dárkilabbot ovdal čuvgehuslávdegotti čoahkkima. Čoahkkimii buktit dárbbášlaš materiála ášši čoavdima várás.

Ášši válmmaštalai čuvgehushoavda-rektor Virpi Veskonieni

Evttohus:

Evttohus addojuvvo čoahkkimis

Čoahkkimis addon evttohus:

Fálaldagat rahppojedje fálaldatbivdaga miel dásaččat 17.6.2022 dmu 12, báikki alde leigga Maritta Lukkari ja Virpi Veskonieni. Rahpamis dahkkojuvvui rahpanbeavdegirji. Mearreáigái bohte 3 fálaldaga: Majet OY, Aurora Transport OY, Tilausliikenne E O Guttorm OY. Fálaldagaid kilomehterhattit leat dát: Tilausliikenne E O Guttorm OY 3,19€, Aurora Transport OY 3,48€, Majet OY 3,73€.

Tilausliikenne E O Guttorm OY fálaldat lea govttolamos, deavdá fálaldatbivdaga eavttuid ja lassin fálaldatdahkki čatnasa geavahit bálvalusastis maid sámegiela. Dohkkehuvvo Tilausliikenne E O Guttorm OY fálaldat.

Mearrádus:

Čoahkkimis addon evttohus dohkkehuvvui.

Njuorggáma skuvlla skuvlavuojiheamit 2022-2023

39/02.07.01/2020

Čuvglg 21.06.2022 § 79

Njuorggáma skuvlla skuvlavuojiheamit lohkanjahká 2022-2023 leat gilvalahttima vuolde Cloudias. Gilvalahttin nohká 17.6.2022. Skuvlavuojihangilvalahttimis dahkko rahpanbeavdegirji ja dan maŋŋá ášši sáhttit ovdanbuktit čuvgehuslávdegoddái. Dasgo evttohuslistttáid lávdegottiide galgá sáddet áiggil, ášši ii sáhte válmmaštallat dárkilabbot ovdal čuvgehuslávdegotti čoahkkima. Čoahkkimii buktit dárbbaslaš materiála ášši čoavdima várás.

Ášši válmmaštalai čuvgehushoavda-rektor Virpi Veskonieni

Evttohus:

Evttohus addojuvvo čoahkkimis

Čoahkkimis addon evttohus:

Fálaldagat rahppojedje fálaldatbivdaga mielásaččat 17.6.2022 dmu 12, báikki alde leigga Maritta Lukkari ja Virpi Veskonieni.

Mearreáigái bohte 3 fálaldaga: Majet OY, Aurora Transport OY, Tilausliikenne E O Guttorm OY.

Fálaldagaid kilomehterhattit leat čuovvovaččat: Tilausliikenne E O Guttorm OY 9,10€, Aurora Transport OY 8,80€, Majet OY 6,87€.

Danin go haddi hálbimusa ja čuovvovaččat hálbimusa gaskkas lea mearkkašahti, dohkkehuvvo Majet OY fálaldat, mii lea hálbimus ja deavdá fálaldatbivdaga eavttuid.

Mearráduš:

Čoahkkimis addon evttohus dohkkehuvvui.

Iežas eret cealkin árrabajásgeassima oahpaheaddji barggus

86/01.01.04/2021

Čuvglg 21.06.2022 § 80

Maarit Pihkakoski sáddii 1.6.2022 šleađgaboastta, mas son cealká iežas eret árrabajásgeassima oahpaheaddji barggus.

Ášši válmmaštalai čuvgehushoavda-reaktor Virpi Veskonieni

Evttohus:

Čuvgehuslávdegoddi dohkkeha eretcealkima 1.8.2022 rájes.

Mearrádus:

Evttohusa mielde.

Njuorggáma skuvlla veahkkehoavdda bálkágáibádus

49/01.02/2022

Čuvglg 21.06.2022 § 81

Lohkanortnega ráhkadeapmi lea dábálaččat skuvlla rektora bargu, iige das máksojuvvo sierra buhtadus. Diimmá jagiid áigge Ohcejohnjálmmi skuvlla ja Sámelogahaga geavadahkan lea šaddan doaibmanvuohki, mas dáid skuvllaid veahkkerektor ráhkada Ohcejohnjálmmi skuvlla ja Sámelogahaga lohkanortnegiid. Dán barggus lea veahkkerektorii mákson sierra buhtadus. Njuorggáma skuvlla veahkkehoavda lea oahpaheadji virggis ja su doaibmagovvii leat laktojuvvon veahkkehoavdda barggut. Veahkkehoavdda barggus lea sohppojuvvon ahte fásta máksojuvvo sierra buhtadus mánnosaččat. Njuorggáma veahkkehoavda lea ráhkadan Njuorggáma skuvlla lohkanortnegiid mángga jagi áigge, dán sivas sus lea geavtlaš diehtu oahpahusresursain, ja dát diehtu lea gáibiduvvo lohkanortnega dahkamis. Njuorggáma veahkkehoavda lea váldán oktavuodá bálkááššeolbmui, ja bivdán mañálgihtii buhtadusa lohkanortnega ráhkadeamis. Bálkágáibádus lea golmma beaivve bálká. Bálkááššeolbmo oaidnu áššái lea, ahte mañálgihtii eai buhtadusat máksojuvvo. Mañálgihtii bálkká birra ferte ráđđádallat nu, ahte mielde leat sihke bargoaddi ja bargi ovddasteaddjit.

Ášši válmmaštalai čuvgehushoavda-reaktor Virpi Veskonieni

Evttohus:

Čuvgehuslávdegoddi mearrida ahte 1.8.2022 rájes

1. Ohcejohnjálmmi skuvlla ja Sámelogahaga lohkanortnegiid ráhkada skuvllaid rektor almmá sierra buhtadusa dahje lassebuhtadusa
2. Gáregasnjárgga veahkkerektor ráhkada Gáregasnjárgga skuvlla lohkanortnegiid almmá sierra dahje lassebuhtadusa
3. Njuorggáma skuvlla lohkanortnegiid ráhkada veahkkehoavda
4. Njuorggáma skuvlla veahkkehovdii mákso sierra buhtadus lohkanortnega ráhkadeamis. Sierra buhtadusa mearri vástida luohkáoahpaheadji golmma beaivvi vuodđobálkká.

Mearrádus:

Evttohus dohkkehuvvui.

Čuvgehuslávdegoddi oaččui diehtun muittuhančállaga Njuorggáma veahkkehoavdda bálkágáibádusa soahpamis.

Asttuáiggečálli virgelohpeohcamuš

37/01.01.00/2022

Čuvglg 21.06.2022 § 82

Asttuáiggečálli Kaisa Tapiola-Länsman ohcá virgelobi reiviin (siidomateriálan) asttuáiggečálli barggus vai sáhtá gieldda siste sirdašuvvat nuppi bargui.

Ášši válmmaštalai čuvgehushoavda-reaktor Virpi Veskonieni

Evttohus:

Čuvgehuslávdegoddi mearrida mieđihit asttuáiggečálli Kaisa Tapiola-Länsmanii virgelobi 1.11.2022-31.7.2023.

Mearrádus:

Evttohusa mielde.

Sámegielaide gáiddusoahpahusa joatkkaprojeavtta lassemearruhta jahkái 2022

38/00.01.05/2021

Čuvlg 21.06.2022 § 83

Sámegielaide gáiddusoktavuođaiguin ávkkástalli oahpahusa joatkkaprojeavttas bázii jagis 2021 geavatkeahtá doarjja 4830 e, man geavaheapmái oahpahus- ja kulturministeriija lea mieđihan joatkkaáiggi jagi 2022 lohppii. Boahttevaš lohkanjahkái projektii leat almmuhan iežaset 165 oahppi/studeantta, geain ođđa oahppit leat 60. Projeavtta oahppimeari lassáneami 60 %:in eai leat máhtán ovddalgihtii árvoštallat, nu ahte jagi 2021 badjebáza evttohuvo sirdojuvvot bálkágoluide.

Boađut	4830 e
Manut	5367 e
Netto	537 e

Ášši válmmaštalaiga projektahoavda Hanna Helander ja čuvgehushoavda-reaktor Virpi Veskonieni

Evttohus:

Čuvgehuslávdegoddi evttoha gielddaráđđehussii ja ain váldostivrii, ahte Sámegielaide gáiddusoahpahusa joatkkaprojektii 2021 juolluduvvo lassemearruhta 537 e jahkái 2022:

Boađut	4830 e
Manut	5367 e
Netto	537 e

Mearráduš:

Evttohusa mielde.

Nuppástusohcangildosat

Gildosiid vuđđosat	Čuovvovaš mearrádusain ii oaččo dahkat giieldalága 136 § mielde vuigengáibádusa iige gieldaváidaga, dasgo mearrádus guoská dušše válmmaštallama dahje ollašuttima: Pykälät 74 - 77, 83
	Daningo mearrádusas sáhtá dahkat giieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohat nuppástusa váidimiin: Paragráfat 73, 78 - 82
	Hálddahasgearregastinlága (Hallintolainkäyttöl) 5 § / eará lánkaásahusa mielde čuovvovaš mearrádusaide ii oaččo ohat nuppástusa váidimiin. Paragráfat ja váidingildosiid vuđđosat

Vuigengáibádusrávvagat

Vuigen- gáibádus- virge- oapmahaš ja váidin- áigi	Čuovvovaš mearrádusaide duhtameahtun sáhtá dahkat čálalaš vuigengáibádusa. Virgeoapmahaš, gosa vuigengáibádus dahkkojuvvo, čujuhus ja poastačujuhus: Utsjoen sivistyslautakunta PL 41 99981 Utsjoki Paragráfat 73, 78 - 82 Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusáiggi rehkenastimis diehtunoažžunbeaivi ii váldujuvvo lohku. Gieldda lahttu gehččujuvvo ožžon mearrádusas dieđu čieža beavve geažes das, go beavdegirji lea biddjon oaidninláhkai almmolaš diehtofierpmádahkii.
Vuigen- gáibádusa sisdoallu	Vuigengáibádusas galgá boahit ovdan gáibádus oktan vuođustusaiguin ja dahkki galgá dan čállit vuollái.

Váiddačujuhus

Váidda- virge- oapmahaš ja váidináigi	Čuovvovaš mearrádusaide sáhtá ohat nuppástusa čálalaš váidagiin. Vuigengáibádusa geažil addojuvvon mearrádussii oažžu ohat nuppástusa gieldaváidagiin dušše dat, gii lea dahkan vuigengáibádusa. Jos mearrádus lea vuigengáibádusa geažil rievdan, oažžu mearrádussii ohat nuppástusa gieldaváidagiin maddái áššeasálaš sihke gieldda lahttu.
	Váiddavirgeoapmahaš, čujuhus ja poastačujuhus Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU
	Giieldaváidda, paragráfat Váidináigi 30 beavve
	Hálddahasváidda, paragráfat Váidináigi beavve
	Eará váiddavirgeoapmahaš, čujuhus ja poastačujuhus Paragráfa Váidináigi beavve beavve

	Váidináigi álgá mearrádusa diehtunoažžumis. Váidináiggi rehkenastimis diehtunoažžunbeaivi ii váldojuvvo lohku.	beaivve
Váiddagirji	<p>Váiddagirjiis galgá almmuhit</p> <ul style="list-style-type: none"> - váidi nama, poastačujhusa, ruovttugieldda ja telefonnummira - mearrádusa, masa ohcá nuppástusa - main osiin mearrádusas váidá ja nuppástusa, man dasa gáibida dahkat - nuppástusgáibádusa ákkaid <p>Váiddagirji galgá váidi dahje váiddagirji eará dahkki vuolláičállit. Jos dušše dahkki lea vuolláičállán váiddagirji, de das galgá máinnašit maiddá dahkki nama, poastačujhusa, ruovttugieldda ja telefonnummira.</p> <p>Váiddagirjai galgá laktit mearrádusa, mas váidá, originálan dahje virggi beales riektadin duođaštuvvon kopiijan sihke duođaštusa das, man beaivve mearrádus lea addon diehtun dahje eará čilgehusa váidináiggi álgináiggis.</p>	
Váidda-áššegirjiid doaimma-heapmi	<p>Váiddaáššegirjiid galgá doaimmahit váiddavirgeoapmahažžii ovdal go váidináigi nohká. Jos váidináiggi maŋimus beaivi lea bassebeaivi, iehčanasvuodabeaivi, válborgebeaivi, juovla- dahje mihcamáruohta dahje árgalávvardat, oažžu váiddaáššegirjiid doaimmahit váiddavirgeoapmahažžii vuosttas árgabeaivve dan maŋŋá. ležas ovddasvástádusain váiddaáššegirjiid sáhtá sáddet poastta dahje áirasa mielde. Postii váiddaáššegirjiid galgá guođdit dan mađi áiggil, ahte dat gerget bohtit ovdal go váidináigi nohká.</p> <p>Váiddaáššegirjiid sáhtá doaimmahit maid: namma, čujuhus ja poastačujuhus Paragrafat</p> <p>Váiddaáššegirjiid galgá doaimmahit ¹⁾: namma, čujuhus ja poastačujuhus Paragrafat</p>	
Lasse-dieđut	Dárkilis vuigengáibádusráva/váiddačujuhus laktojuvvo beavdegirjeváldosii.	

¹⁾ Jos doaimmahuvvo eará sadjai go váiddavirgeoapmahažžii.